

Publication/Creation

1949

Persistent URL

<https://wellcomecollection.org/works/xwch2vha>

License and attribution

Wellcome Library; GB.

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

Palmula nec desint Idumes, nec pruna Damasci.
 Quæ cum multiplici contriueris orbe terendo
 In patinis excocta dabis, aut grandibus ollis
 Verum adoperta coques, ne fumida iura saporem
 Corruptum reddant, quæ mox fastidiat æger.
 Adde & aromaticas species quas mittit Eous,
 Vel quæ iudaicis fragrant bene condita capsis,
 Tus, costum, folium, myrram, styracem, crocomagma,
 Aspalathum, gallam, elleborum, nigrumq; bitumen.
 Et nardum, & casias, & amoma, & cinnama rara,
 Balsama, peucedanum, spicam, crocum, atq; bedellam
 Irim, castoreum, scillamq; opium, panaceam,
 Resinam, lepidum, euforbium, git, atq; pyretrum.
 Zingiber & calidum, mordax piper, & laser algens,
 Agaricumq; asarumq; potens, aloen, aconitum,
 Galbana, sandaracam, samfucum, psoricum, alumen,
 Acaciam, propolimq; & adarchen, cnicon, acanthum.
 Andrachnen, acoronq; opopanaca, pompholygemq;
 Cyperum, ladanum, sagapenonq; & tragacanthum,
 Scammoniam, cypen, malabathron, ammoniacon.
 Deniq; repperies istic quod lucis in ortu,
 Indus, Arabs, Seres, Persis diuesq; Sabæus,
 Vicino sub sole legunt, quod præbet Orontes,
 Eximium ignoto mittit quod Nilus ab ortu,
 Decerptum folijs, ramo, cute, cortice, uirga.
 Quodq; ab Idumæis uectum seplasia uendunt,
 Et quicquid confert medicis lalagea catapulus,
 Hæc quicunq; leges poteris discernere tecum,
 Agnoscenda magis siue exercenda rearis.
 Quisque tamen nostrum hoc studium dignabere, quæso
 Præstes iudicium purum, mentemq; benignam.
 Sic tua perpetuo uegetentur membra uigore,
 Et peragas placidam per multa decennia uitam.
 Sic non incuses ualidam placitâq; senectam.
 Nec tibi sit medicis opus unquam, nec tibi casus;
 Aut morbus pariant ullum quandoq; dolorem:
 Sed procul à curis & sano corpore uiuas,
 Quotq; hic sunt uersus tot agant tua tempora Ianos.

Marcelli de medicamentis li-
 bri finis.

per lecturam anno dñi. 1540. 2^a martij
 des. Gual. 7.